

SIARAN SEGERA**KENYATAAN MEDIA****SWM ENVIRONMENT MOHON PENDUDUK TIDAK HALANG LALUAN LORI SAMPAH**

MELAKA, 30 Jun 2021 – SWM Environment Sdn. Bhd. (**SWM Environment**) memohon kerjasama orang awam agar tidak meletakkan kenderaan atau sebarang objek yang boleh menghalang laluan jentera operasi perkhidmatannya serta di sekitar tong sampah beroda (TSB) dan rumah sampah berpusat.

Pengurus Besar Korporatnya, Mohd Norlisam Mohd Nordin berkata, ia bertujuan memastikan operasi kutipan sisa pepejal dan pembersihan awam oleh SWM Environment dapat berjalan dengan lancar.

”Masih ada segelintir masyarakat yang meletakkan kenderaan dan objek sesuka hati sehingga menghalang laluan lori sampah dan mengundang kemalangan terutamanya di jalan yang agak sempit.

”Sikap tidak bertanggungjawab ini bukan saja akan mengganggu kerja-kerja kutipan sisa pepejal, malah boleh mendatangkan risiko terhadap pekerja-pekerja kami dan juga penduduk lain,” katanya.

Sehubungan itu, Mohd Norlisam menyarankan orang awam agar mengambil inisiatif untuk menyemak jadual laluan jentera perkhidmatan operasi SWM Environment di papan tanda perkhidmatan dan secara dalam talian di pautan <https://swm-environment.com/microsite/> bagi memastikan perkara ini tidak berlaku lagi.

”Selepas menyemak jadual, penduduk boleh mengalihkan atau meletakkan kenderaan di tempat lain untuk sementara waktu bagi membolehkan pekerja SWM Environment menyelesaikan kerja-kerja kutipan sisa pepejal terlebih dahulu,” katanya.

Dalam pada itu, SWM Environment turut memohon kerjasama Pihak Berkuasa Tempatan (PBT) agar menunda kenderaan yang tersadai terlalu lama di sesetengah lokasi dan menghalang lalu lintas.

”Tindakan sewajarnya juga perlu diambil terhadap pemilik kenderaan yang sengaja meletakkan kenderaan sesuka hati sehingga mengganggu laluan lori sampah,” katanya.

Sekiranya orang ramai mempunyai sebarang pertanyaan berhubung perkhidmatan kutipan sampah dan pembersihan awam, boleh menghubungi Talian Indahkan Malaysia 1-800-88-7472 dan Talian WhatsApp SWM di 012-618 0082.

-TAMAT-

FAKTA

SWM ENVIRONMENT SDN. BHD.

SWM Environment Sdn. Bhd. (**SWM Environment**) telah dilantik pada tahun 1995 di bawah perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara 2007, untuk bertanggungjawab terhadap pengurusan sisa pepejal dan pembersihan awam di Johor, Melaka dan Negeri Sembilan.

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Noor Che Wah Ramli

Eksekutif Kanan Jabatan Komunikasi Korporat

SWM Environment Sdn. Bhd.

Lot 4B-17,18,19, Jalan TTC 26,

Kawasan Perindustrian Cheng,

75250 Melaka.

(Tel) 06-3350191

(Faks) 06-3350117

(Emel) wah.ramli@swmsb.com